

ხელშეკრულება მომსახურების შესყიდვის შესახებ # 60-7-221-069

ქ. თბილისი

9 თებერვალი 2021 წ.

I. მხარეები

1.1 წინამდებარე ხელშეკრულება დადებულია 2021 წლის 9 თებერვალს, ერთი მხრივ სს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი მისი მმართველთა საბჭოს წევრის დავით ვარდიშვილის (მინდობილობა N200878077) სახით და მეორეს მხრივ ი/მ „გიორგი ნატრიაშვილი“ (შემდგომში „მიმწოდებელი“), წარმოდგენილი მისი დირექტორის გიორგი ნატრიაშვილის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია გაუწიოს „შემსყიდველს“ ქ/ს „ხორგა 200“-ის, ქ/ს „ზუგდიდი 220“-ისა და ქ/ს „მარნეული 220“-ის ტერიტორიაზე სადრენაჟე-სანიაღვრე სისტემის მოწყობის საპროექტო-სახარჯთაღრიცხვო დოკუმენტაციის მომზადების მომსახურება (CPV კოდი: 71300000; 71320000) დანართი #1-ის (ფასების ცხრილი) და დანართი #2-ის (ტექნიკური პირობა) შესაბამისად.

2.2 დანართი #1 და დანართი #2 წარმოადგენს წინამდებარე ხელშეკრულების განუყოფელ ნაწილს.

2.3 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ჟ) ქვეპუნქტის შესაბამისად.

III. მომსახურების ღირებულება და ანგარიშსწორების პირობები

3.1 გასაწევი მომსახურების საერთო ღირებულება განსაზღვრულია წინამდებარე ხელშეკრულების დანართი #1-ის შესაბამისად და შეადგენს 25 960 (ოცდახუთი ათას ცხრაას სამოცი) ლარს დღგ-ს ჩათვლით (შემდგომში „ხელშეკრულების ღირებულება“). „ხელშეკრულების ღირებულება“ ითვალისწინებს ყველა ხარჯს.

3.2 ანგარიშსწორება განხორციელდება სრულად გაწეულ მომსახურებაზე ან/და მომსახურების გაწევის დასრულებისას ფაქტიურად გაწეულ მომსახურებაზე, საბოლოო მიღება-ჩაბარების აქტის გაფორმებისა და ანაზღაურებისათვის საგადასახადო ანგარიშფაქტურის წარმოდგენის შემდეგ არაუგვიანეს 8 (რვა) სამუშაო დღის განმავლობაში;

3.3 ანგარიშსწორება განხორციელდება ლარებში უნაღდო ანგარიშსწორების ფორმით.

IV. მომსახურების გაწევის ვადა და ადგილი

4.1 „მიმწოდებელმა“ „შემსყიდველს“ უნდა გაუწიოს მომსახურება ხელშეკრულების გაფორმებიდან არაუმეტეს 80 (ოთხმოცი) კალენდარული დღის განმავლობაში.

4.2 საპროექტო-სახარჯთაღრიცხვო დოკუმენტაციის (სრული პაკეტი) მიწოდების ადგილი: ქ. თბილისი ბარათაშვილის ქ. #2. სსე-ის სათაო ოფისი.

*საპროექტო-სახარჯთაღრიცხვო დოკუმენტაციის (სრული პაკეტი) მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა). თუ საპროექტო-სახარჯთაღრიცხვო დოკუმენტაციის (სრული პაკეტი) მიწოდება დაემთხვა არასამუშაო დღეს, მიმწოდებელმა მიწოდება უნდა უზრუნველყოს მომდევნო სამუშაო დღეს.

V. მხარეთა უფლება-მოვალეობები

5.1. „შემსყიდველი“ იღებს ვალდებულებას აუნაზღაუროს „მიმწოდებელს“ ფაქტიურად გაწეული მომსახურების ღირებულება ხელშეკრულების პირობებში ასახულ ვადებში და ფორმით.

5.2. „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი მომსახურების მიმდინარეობის შესახებ.

5.3. „მიმწოდებელი“ მომსახურებას ასრულებს წინამდებარე ხელშეკრულების დანართი #1 (ფასების ცხრილი) და დანართი #2-ის (ტექნიკური დავალება) შესაბამისად.

5.4 „მიმწოდებელი“ ვალდებულია ხელშეკრულებით გათვალისწინებული მომსახურება განახორციელოს ხარისხიანად და არსებული სტანდარტების შესაბამისად. იგი პასუხს აგებს ზემოაღნიშნული მომსახურების საპროექტო-სახარჯთაღრიცხვო დოკუმენტაციის სისწორეზე.

5.5 „მიმწოდებელი“ ვალდებულია წინამდებარე ხელშეკრულებით დადგენილ ვადაში გადასცეს „შემსყიდველს“ საპროექტო-სახარჯთაღრიცხვო დოკუმენტაცია.

5.6 „მიმწოდებელი“ ვალდებულია განახორციელოს, მიღება - ჩაბარების აქტის გაფორმების შემდგომ საპროექტო-სახარჯთაღრიცხვო დოკუმენტაციაში ცვლილებების შეტანის საჭიროების შემთხვევაში, საპროექტო-სახარჯთაღრიცხვო დოკუმენტაციის (სრულ პაკეტზე) მიმართ გამოთქმული მოსაზრებების გათვალისწინებით, საპროექტო-სახარჯთაღრიცხვო დოკუმენტაციის (სრული პაკეტის) სრულყოფა და სხვა შესაბამისი ღონისძიებები, რათა უზრუნველყოფილ იქნეს „შემსყიდველის“ მიერ ამ საპროექტო-სახარჯთაღრიცხვო დოკუმენტაციის საფუძველზე ტენდერის გამოცხადება და ტენდერში გამარჯვებული ორგანიზაციისათვის შესაბამისი სამუშაოების წარმოება.

ელექტრონული ტენდერი (SPA200002839) ქ/ს „ხორგა 200“-ის , ქ/ს „ზუგდიდი 220“-ისა და ქ/ს „მარნეული 220“-ის ტერიტორიაზე სადრენაჟე-სანიაღვრე სისტემის მოწყობის საპროექტო-სახარჯთაღრიცხვო დოკუმენტაციის მომზადების მომსახურების შესყიდვაზე; „მიმწოდებელი“ ი/მ „გიორგი ნატრიაშვილი“

„მიმწოდებელი“ ვალდებულია „შემსყიდველის“ მოთხოვნიდან 20 (ოცი) კალენდარული დღის განმავლობაში განახორციელოს საპროექტო-სახარჯთაღრიცხვო დოკუმენტაციის (სრულ პაკეტზე) სრულყოფა და სათანადო ცვლილებების შეტანა, რომელიც დამატებით ანაზღაურებას არ ექვემდებარება და შედის საპროექტო-სახარჯთაღრიცხვო დოკუმენტაციის მომზადების (შედგენის) საფასურში.

VI. მხარეთა პასუხისმგებლობა

6.1 „მიმწოდებლის“ მიზეზით მომსახურების დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი მომსახურების ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი მომსახურების სრულად გაწევის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 „შემსყიდველის“ მიერ ხელშეკრულებით გათვალისწინებული მომსახურების ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.3 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.4 „შემსყიდველი“ უფლებამოსილია ფაქტიურად გაწეული მომსახურების ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 6.2 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების კონტროლი

7.1 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ „შემსყიდველი“ კონტროლის მიზნით გამოიყენებს საკუთარ ან მოწვეულ პერსონალს, მისი შრომის ანაზღაურებას უზრუნველყოფს თვით „შემსყიდველი“.

7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

7.3 ამ მუხლის არც ერთი პუნქტი არ ათავისუფლებს „მიმწოდებელს“ მოცემული ხელშეკრულების ვალდებულებებისაგან.

7.4 ხელშეკრულების შესრულების კონტროლს „შემსყიდველის“ მხრიდან უზრუნველყოფს სს „საქართველოს სახელმწიფო ელექტროსისტემის“ ინფრასტრუქტურის მართვის განყოფილების უფროსი სპეციალისტი გელა ტატიშვილი და ინფრასტრუქტურის მართვის განყოფილების უფროსი სპეციალისტი ზურაბ ამირიძე

7.5 კონტროლი განხორციელდება გაწეული მომსახურების შესაბამისობით ხელშეკრულების პირობებთან.

VIII ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა, ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

IX. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან/და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

9.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

X ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.3. ხელშეკრულება შეიძლება ვადამდე მოიშალოს:

10.3.1. მხარეთა შეთანხმებით;

10.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.4 „შემსყიდველს“ შეუძლია ხელშეკრულება ვადამდე შეწყვიტოს:

10.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.4.2. „მიმწოდებლის“ გაკოტრების შემთხვევაში;

10.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

10.4.4. საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის 10.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად გაწეული მომსახურების ღირებულება.

XI. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XII დავათა განხილვა

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIII. შესყიდვის ობიექტის მიღება-ჩაბარების წესი

13.1 მიღება-ჩაბარების აქტი ფორმდება საბოლოოდ, სრულად ან/და მომსახურების დასრულებისას ფაქტობრივად გაწეული მომსახურების შესაბამისად.

13.2 მომსახურების გაწევისას „შემსყიდველის“ მიერ წინამდებარე ხელშეკრულების 7.4 ქვეპუნქტით განსაზღვრული პირი ამოწმებს გაწეული მომსახურების შესაბამისობას წინამდებარე ხელშეკრულების პირობებთან, ხარვეზების

ელექტრონული ტენდერი (SPA200002839) ქ/ს „ხორგა 200“-ის , ქ/ს „ზუგდიდი 220“-ისა და ქ/ს „მარნეული 220“-ის ტერიტორიაზე სადრენაჟე-სანიაღვრე სისტემის მოწყობის საპროექტო-სახარჯთაღრიცხვო დოკუმენტაციის მომზადების მომსახურების შესყიდვაზე; „მიმწოდებელი“ ი/მ „გიორგი ნატრიაშვილი“

(წუნდების) არ არსებობის შემთხვევაში ფორმდება მიღება-ჩაბარების აქტი ფაქტობრივად გაწეული მომსახურების მიხედვით „შემსყიდველსა“ და „მიმწოდებელს“ შორის.

13.3 მომსახურება მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა გადადის შემსყიდველზე.

13.4 „შემსყიდველის“ მხრიდან მიღება-ჩაბარების აქტზე ხელმოწერ პირად განისაზღვროს სს „სსე“-ს ლოგისტიკის დეპარტამენტის უფროსი ნოდარ ქუბრიაშვილი.

XIV. ხელშეკრულების მოქმედების ვადები

14.1. ხელშეკრულება ძალაში შედის მხარეთა მიერ ხელმოწერისთანავე.

14.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2021 წლის 31 აგვისტოს ჩათვლით.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე.

15.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

XVI. კონფიდენციალურობა და გაუმჟღავნებლობა

16.1 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

XVII. მხარეთა რეკვიზიტები

“შემსყიდველი”:

სს „საქართველოს სახელმწიფო
ელექტროსისტემა“
ქ. თბილისი, ბარათაშვილის ქ.#2

საიდ. კოდი: 204995176
ს/ს „თიბისი ბანკი“
ბანკის კოდი: TBCBGE 22
ანგარიშის №GE02TB0600000102467636

დავით ვარდიაშვილი
მმართველთა საბჭოს წევრი
ბ.ა

“მიმწოდებელი”:

ი/მ „გიორგი ნატრიაშვილი“
ქ. ქუთაისი, შიო არაგვისპირელის ქ. №34
ტელ. 598 40 80 20

საიდ.კოდი: 60001056012
ს.ს „საქართველოს ბანკი“
ბანკის კოდი: BAGAGE22
ანგარიში № GE69BG0000000269228500

გიორგი ნატრიაშვილი
დირექტორი
ბ.ა

დანართი #1,
ფასების ცხრილი

#	მომსახურების დასახელება	მომსახურების ჯამური ღირებულება დღგ–ს ჩათვლით (ლარი)
1	2	3
1	ქ/ს „მარნეული 220“-ის ტერიტორიაზე სადრენაჟე-სანიაღვრე სისტემის მოწყობის საპროექტო-სახარჯთაღრიცხვო დოკუმენტაციის მომზადება	10 030
2	ქ/ს „ზუგდიდი 220“-ის ტერიტორიაზე სადრენაჟე-სანიაღვრე სისტემის მოწყობის საპროექტო-სახარჯთაღრიცხვო დოკუმენტაციის მომზადება	9 086
3	ქქ/ს „ხორგა 220“-ის ტერიტორიაზე სადრენაჟე-სანიაღვრე სისტემის მოწყობის საპროექტო-სახარჯთაღრიცხვო დოკუმენტაციის მომზადება	6 844
	საერთო ღირებულება დღგ–ს ჩათვლით (ლარი)	25 960

„ხელშეკრულების ღირებულება“ შეადგენს 25 960 (ოცდახუთი ათას ცხრაას სამოცი) ლარს დღგ–ს ჩათვლით.

„შემსყიდველი“:
სს „საქართველოს სახელმწიფო
ელექტროსისტემა“

დავით ვარდიაშვილი
მმართველთა საბჭოს წევრი
ბ.ა

“მიმწოდებელი”:
ი/მ „გიორგი ნატრიაშვილი“

გიორგი ნატრიაშვილი
დირექტორი
ბ.ა

დანართი #2, ტექნიკური პირობა

1. ტექნიკური დავალება ითვალისწინებს სს „საქართველოს სახელმწიფო ელექტროსისტემის“ კუთვნილ:

- ქ/ს „მარნეული 220“-ის ტერიტორიის (მარნეულის რ-ნი, იალღუჯის მთა) დაახლოებით 50000 კვ. მ;
- ქ/ს „ზუგდიდი 220“-ის მართვის ფარის შენობის ირგვლივ და ტერიტორიის (ზუგდიდის რ-ნი სოფ. რუხი) დაახლოებით 35000 კვ. მ.
- ქ/ს „ხორგა 220“-ის ტერიტორიის (ხობის რ-ნი სოფ. ახალსოფელი) დაახლოებით 10000 კვ. მ

ტერიტორიაზე სადრენაჟე-სანიაღვრე სისტემის მოწყობის საპროექტო-სახარჯთაღრიცხვო დოკუმენტაციის მომზადებას.

2. სადრენაჟე-სანიაღვრე სისტემის პროექტი უნდა ითვალისწინებდეს ღია-დახურული სადრენაჟე-სანიაღვრე სისტემის მოწყობის სამუშაოებს ქვესადგურის ტერიტორიიდან შეკრებილი წყლის გადაყვანას ტერიტორიის გარეთ შესაბამის წყალარინების სისტემაზე დაერთებით.

3. „მიმწოდებელმა“ უნდა წარმოადგინოს პროექტის სრული პაკეტი, რომელიც უნდა მოიცავდეს:

- განმარტებით ბარათს;
- ტოპო გადაღებას (მასშ. 1:500 მიწისქვეშა კომუნიკაციის დატანით);
- საინჟინრო-გეოლოგიურ კვლევას;
- ქვესადგურების სადრენაჟე-სანიაღვრე სისტემის მოწყობის პროექტს, ხარჯთაღრიცხვას და დეფექტურ აქტს (სატენდერო დოკუმენტაციისთვის).

4. პროექტის სრულ პაკეტზე წარმოდგენილი უნდა იყოს აკრედიტირებული ორგანიზაციის მიერ ექსპერტიზის დასკვნა (შესაბამისი აკრედიტაციის დოკუმენტის წარმოდგენით).

5. დოკუმენტაციის სრული პაკეტი: თითოეული პროექტისათვის წარმოდგენილი უნდა იყოს ალბომებისა (2 ეგზემპლარი) და ელექტრონული ვერსიის (1 ეგზემპლარი) სახით, სრული პაკეტი PDF ფორმატში;

6. წარმოდგენილი საპროექტო-სახარჯთაღრიცხვო დოკუმენტაცია უნდა იძლეოდეს სრულყოფილ ინფორმაციას, რომლის საფუძველზეც სს „საქართველოს სახელმწიფო ელექტროსისტემისათვის“ შესაძლებელი იქნება ქვესადგურების ტერიტორიაზე სადრენაჟე-სანიაღვრე სისტემის მოწყობის სამუშაოებზე ტენდერის გამოცხადება და ტენდერში გამარჯვებული ორგანიზაციისთვის სამუშაოების წარმოება.

7. საპროექტო ორგანიზაცია ვალდებულია, მოთხოვნის საფუძველზე უზრუნველყოს სამუშაოების მიმდინარეობის დროს მონიტორინგის წარმოება და საპროექტო დოკუმენტაციაში ცვლილებების შეტანა (საჭიროების შემთხვევაში).

„შემსყიდველი“:

სს „საქართველოს სახელმწიფო
ელექტროსისტემა“


დავით ვარდიაშვილი
მმართველთა საბჭოს წევრი
ბ.ა

“მიმწოდებელი“:

ი/მ „გიორგი ნატრიაშვილი“

გიორგი ნატრიაშვილი
დირექტორი
ბ.ა


ქ.ს „ზუგდიდი 220“-ის საპროექტო ტერიტორია



ქ.ს „მარნეული 220“-ის საპროექტო ტერიტორია



ქ.ს „ხორგა 220“-ის საპროექტო ტერიტორია



„შემსყიდველი“:

სს „საქართველოს სახელმწიფო
ელექტროსისტემა“

დავით ვარდიშვილი
მმართველთა საბჭოს წევრი
ბ.ა

“მიმწოდებელი“:

ი/მ „გიორგი ნატრიაშვილი“

გიორგი ნატრიაშვილი
დირექტორი
ბ.ა